



Vschinauncha da S-chanf
7525 S-chanf



Da la suprastanza cumünela

Ledscha da sunteri

L'orden da sunteri e funarels es gnieu approvo da la radunanza cumünela dals 11 lügl 2007. La cumischiun da revaisa tschantamaints, ledschas ed uordens ho examinò la ledscha e propuona üna revaisa. La suprastanza cumünela decida unanimamaing da sustegner la proposta da la cumischiun da revaisa.

Dumandas da contribuziun

La suprastanza cumünela sustegna seguaints evenimaints cun üna contribuziun finanziaia :

- 19avel Concours Hippique Zuoz
- Festa da maruns a S-chanf
- Tscheva da Val Fex

Contrat da servitut parcella nr. 162, S-chanf

In connex culla realisaziun da la lingia d'ova traunter Zuoz e S-chanf es il proprietari da la parcella nr. 162 pront, da metter a disposiziun sieu parcella per pudair passer culla lingia d'ova suot la listessa condiziun scu tuot ils oters proprietaris pertuchos.

La suprastanza cumünela aderischa a la cunvegna per il dret da passagi traunter la vschinauncha politica e'l possessur da la parcella nr.162.

Champ federel dals battasendas 2021

La suprastanza cumünela ho survgnieu üna dumanda per fer il champ federel dals battasendas dal an 2021. Tar'l champ federel dals battasendas vess la vschinauncha la seguonda mited lügl fin il cumainzamaint avuost da fer quint cun arduond 25'000 iffaunts. Zieva avoir fat sclarimants positivs culs possessurs da terrain ho üna evaluaziun musso sü, cha'l territori chi sto a disposiziun giò Flin es memma pitschen. Displaschaivelmaing nu basta la piazza bsögnaivla sül territori da la vschinauncha S-chanf per realiser üna tel arrandschamaint.

S-chanf, 29 gün 2018

La suprastanza cumünela